

20052

中國方志叢書·華中地方·第二二一號

據

清·李亨特總裁，平恕等修
清乾隆五十七年刊本

影印

浙江省

紹興府志

成文出版社有限公司印行



藏書

0052



10103057

sk82/06

中國方志叢書·華中地方·第二二一號

據

清·李亨特總裁，平恕等修
清乾隆五十七年刊本

影印

浙江省

紹興府志



成文出版社有限公司印行



10103056

92/106

中國方志叢書·華中地方·第二二一號

據

清·李亨特總裁，平恕等修
乾隆五十七年刊本

影印

浙江省

紹興府志



成文出版社有限公司印行

sk82/106



10103055

中國方志叢書·華中地方·第二二一號

據

清·李亨特總裁，平恕等修
清乾隆五十七年刊本

影印

浙江省

紹興府志



成文出版社有限公司印行

4-82-106



中國方志叢書·華中地方·第二二一號

據

清·李亨特總裁，平恕等修
清乾隆五十七年刊本

影印

浙江省

紹興府志



成文出版社有限公司印行



10103053

90/18-5

中國方志叢書·華中地方·第二二一號

據

清·李亨特總裁，平恕等修
清乾隆五十七年刊本

影印

浙江省

紹興府志



成文出版社有限公司印行

sk82/06



0020057

中國方志叢書·華中地方·第二二一號

據

清·李亨特總裁，平恕等修
清乾隆五十七年刊本

影印

浙江省

紹興府志



成文出版社有限公司印行



中華民國六十四年 月壹一版

紹興府志

全七冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

鍾離牧子幹山陰人慈七世孫少居永興躬自墾田二

十畝臨熟縣民謠之牧不與競由此發名赤烏五年從

郎中歷遷南海太守中書令會建安郡陽新都三郡作

亂出牧為監軍使者討平之封奉亭侯越騎校尉永安

中以平魏將軍領武陵太守會魏郭綽誘致諸蠻進攻

酉陽牧曰當及其根柢未深撲散之救火貴速之勢也

率所領晨夜進道緣山險行垂二千里斬魁帥百餘人

及其支黨純等散走五溪平遷陽武軍封都鄉侯卒

官家無餘財士民思之子祚嗣代領兵

官家無餘財士民思之子祚嗣代領兵

官家無餘財士民思之子祚嗣代領兵

官家無餘財士民思之子祚嗣代領兵

官家無餘財士民思之子祚嗣代領兵

官家無餘財士民思之子祚嗣代領兵

官家無餘財士民思之子祚嗣代領兵

官家無餘財士民思之子祚嗣代領兵

官家無餘財士民思之子祚嗣代領兵

官家無餘財士民思之子祚嗣代領兵

官家無餘財士民思之子祚嗣代領兵

官家無餘財士民思之子祚嗣代領兵

官家無餘財士民思之子祚嗣代領兵

官家無餘財士民思之子祚嗣代領兵

官家無餘財士民思之子祚嗣代領兵

官家無餘財士民思之子祚嗣代領兵

之嘆息曰公緒早天同盟所哀聞其子志行明辨而被

閭昧之謗望諸夫子烈然高斷而各懷疑非所望也

秀卒見明無復瑕玷終為顯士淵之力也

周昕字大明少游京師師事太傅陳蕃博覽羣書明於風

角善推災異辟太尉府舉高第稍遷丹陽太守曹公起

義兵昕前後遣兵萬餘人助公征伐袁術之在淮南也

昕惡其淫虐絕不與通術遣吳景攻昕未拔景乃募百

姓敢從周昕者死不赦昕曰我則不德百姓何罪遂散

兵還本郡昕弟聃字仁明是時關東州郡務相兼并以

自強大袁紹遣周聃為豫州刺史來襲取州堅慨然

曰同舉義兵將救社稷逆賊垂破而各若此吾當誰與

戮力乎言發涕下初曹公興義兵遣人要聃聃即收合

兵衆得二千人從公征伐以為軍師後與堅爭豫州屢

戰失利會次兄九江太守昂為袁術所攻聃往助之軍

敗還鄉里為許貢所害

駱統字公緒會稽人少孤值歲饑統為之飲食減少姊問

其故統曰士大夫糟糠不足我何忍獨飽姊以私粟與

統輒以分施由是得名孫權領會稽太守統年二十試

為烏程相民戶過萬咸嗟其惠理召拜功曹統志在補

察苟所聞見夕不待旦常勸灌以尊賢接士出為建忠

即將疏請寬征徭蘇民困權每嘉納之從陸遜破蜀軍

于宜都後為滿須督數陳便宜前後書數十上咸有裨

益黃武七年卒

萬歷志案三國志統會稽烏傷人

其母俊上虞人為交趾刺史拔濟一郡遜爵土之封

會稽典

賀

賀循字彥先山陰人其先慶普漢世傳禮世所謂慶氏學

族高祖純博學有重名漢安帝時為侍中避帝父清河

王慶諱因改為賀氏曾祖齊仕吳為名將祖景滅賊校

尉父仰中書令為孫皓所殺徙家屬於邊郡循少嬰家

難流放海隅吳亡始還本郡操尚高厲言行進止必以

紹興府志

卷之四十四

主

禮讓國相丁父請為五官掾刺史嵇喜舉循秀才除陽

羨令以寬惠為本不求課最後為武康令俗多厚葬有

拘忌循皆禁之政教大行然無援於朝久不進叙著作

郎陸機上疏薦之召補太子舍人趙王倫篡辭疾去職

後除南中郎長史不就會賊李辰起江夏辰別帥石冰

畧有揚州遂會稽相張景以程超代之又以其長史辛

與領山陰令前南平內史王矩吳興內史顧秘秀才周

玘等唱義傳檄州郡以討冰循亦合眾應之水大將抗

寵有眾數千屯郡講堂循檄寵為陳逆順寵遁超與皆

降一郡悉平循迎景還郡即謝遣兵士杜門不出論功

報賞

循服寒食散露髮袒身示不可用敏竟不能屈敏敗征

東將軍周馥上循領會稽相公車徵賢良皆不就瑯琊

王表循吳國內史與循言吳時事因問曰孫皓嘗燒餅

截一賀頭是誰邪循未及言王悟曰是賀邵也循流涕

曰先父遭遇無道循創巨痛深無以上答王愧之三日

不出代顧榮為鎮東軍司及王承制以為軍諮祭酒親

幸其舟以羸疾不堪拜謁就加朝服賜車馬牀帳衣褥

及第一區循皆不受時江東草創寇盜竊發王患之以

問循循曰江道萬里通涉五州議者欲出宣城以鎮江

紹興府志

卷之四十四

末

渚或欲使諸縣領兵愚以令長威弱而兼才難得恐未

必為用以循所聞江中劇地惟圖廬一處地勢險奧亡

逃所聚且以重兵備戍隨勢討除沿江諸縣各有分界

自可多置亭候恒使微行以時番休役不致困若寇忽

強多不能獨制可指其蹤跡言所在都督尋用致討今

不明部分使所在百姓與軍家雜徼兩情俱墮莫適任

負所以徒有備名而不為益者也王從之建武初為中

書令加散騎常侍以老疾固辭改拜太常時宗廟始建

舊儀多闕或以惠懷二帝應各為世則頴川世數過七

宜在迭毀事下太常循議以為禮兄弟不相為後不得

紹興府志

卷之四十四

人物志四

七

以承代爲世若當兄弟旁滿輒毀上祖則祖位空懸世數不足帝從循議既有司奏瑯琊恭王宜稱皇老循議禮子不敢以已爵如其父從之當是時朝廷疑滯皆於循循輒依經禮而對爲當時儒宗尋行太子太傅以疾固辭帝以循體德率物有不言之益不許命皇太子親往拜焉循雖有羸疾而恭於接對詔斷賓客其崇遇如此疾漸篤表乞骸骨上印綬改授左光祿大夫開府儀同三司帝臨軒遣使持節加印綬循口不能言指麾左右推去章服車駕親幸執手流涕太子親臨者三往還皆拜儒者以爲榮太興二年卒年六十帝素服舉哀

贈司空謚曰穆將葬又出臨其柩哭之盡哀遣侍御史持節監護皇太子追送近塗循博覽書善屬文尤精

禮傳雅有知人之鑒拔同郡楊方於卑陋卒成名於世

子隲建元中官至臨海太守

晉記 嘉泰志 延尉張闓將等左右近宅以廣其居

作都門早開夜閉民患焉因請循質之問

虞潭字思與翻之孫也父忠死節潭清貞有檢操州辟從事主簿舉秀才除祁鄉令徙醴陵張昌反潭起兵斬其

帥遂周旋征討賜爵都亭侯陳敏反潭討敏弟讚于江

州領廬陵太守綏撫荒餘咸得其所又與平陳恢輿南

康太守進東鄉侯尋被元帝徵討華軼軼平領安成太

卷之四十四

紹興府志

卷之四十四

人物志四

太

守甘泉爲桂陽所逼進軍救卓杜陵平召補丞相軍諮祭酒累遷宗正卿以疾乞歸王敦叛王含沈充等攻逼京師潭遂招合宗黨及郡大姓共起義軍衆以萬數進赴國難

坦領前

爲冠軍將軍領會稽內史潭遣孔

徵拜尚書右衛將軍成帝卽位出爲吳興太守加輔國

將軍進零陵侯蘇峻反加潭督三吳晉陵宣城義興五

郡軍事與郗鑒王舒協同義舉陶侃假潭節監揚州浙

江江西軍事潭率衆并勢犄角峻平以母老還餘姚詔

轉潭鎮軍將軍吳國內史進爵武昌侯時百姓饑饉死

亡塗地潭乃表出倉米振救之又修浚瀆壘以防海抄

進衛將軍潭貌雖和弱而內堅明有膽決屢統軍旅而

妙有傾敗毋憂服闋拜右光祿大夫開府儀同三司給

親兵三百名年七十九卒於位謚孝烈子伋右將軍司

馬伋子嘯父少歷顯位後至侍中出爲會稽內史

虞預字叔寧徵士喜之弟也本名茂十二而孤少好學初

爲縣功曹太守庾琛命爲主簿瑯琊王以諸葛恢薦召

爲丞相行參軍兼記室遭母憂服闋除佐著作郎太興

二年大旱詔求讜言直諫之士預上書曰大晉受命于

今五十餘載自元康以來王德始闕宗廟爲灰燼千里

無烟爨自天地開闢書籍所載大亂之極未有若茲者也陛下作鎮東南聲教遐被上天眷顧人神特謀雖云中興其寶受命臣聞爲國之要在於得才得才之術在於抽引苟其可用雖賤必舉高宗文王思佐發愛拔嚴徒以爲相載釣老而師之下至列國亦有斯事故燕重郭隗而三士競至魏式干木而秦兵退舍今天下雖敝人士雖寡然十室之邑必有忠信而束帛未貴於邱園蒲輪頓轂而不駕所以大化未洽而雍熙有闕也遷秘書丞著作郎從平王含賜爵西鄉侯蘇峻之亂預先假歸家太守王舒請爲諮議參軍峻平進爵平康縣侯遷

紹興府志

卷之四十四

人物志四

五

散騎常侍領著作以年老歸卒於家預雅好經史憤疾元虛其論阮籍裸袒比之伊川被髮著晉書四十餘卷會稽典錄二十篇諸虞傳十二篇皆行於世所著詩賦碑誄論難復數十篇

晉記

孔愉字敬康山陰人先世居梁國會祖潛避地家焉祖竺吳豫章太守父恬湘東太守愉十三而孤養祖母以孝聞與同郡張茂偉康丁渾世康齊名人號會稽三康吳亡愉遷於洛歸至江淮遇石冰封雲爲亂逼愉爲參軍不從幾爲所殺東遷會稽入新安山中改姓孫氏以耕讀爲務信著鄉里後忽捨去皆謂爲神人爲之立祠建

與初始出應召爲丞相掾時年五十矣以討華軼功封餘不亭侯愉嘗行徑餘不亭見龍龜於路者愉買而放之溪中龜中流左顧者數四及是鑄侯印而印過左顧三鑄如初時王導頗見疎遠愉陳導有佐命勲宜諮訪由是不合旨出爲吳興太守遷侍中太常及蘇峻反愉朝服守宗廟初愉爲司徒長史以溫囑母亡遭亂不葬不過其品至是峻平愉在石頭詣囑囑執愉手流涕曰天下喪亂忠孝道廢能持古人之節歲寒不凋者惟君一人耳三遷尚書左僕射以論議守正爲王道所銜出爲會稽內史在郡三年乃營山陰湖南侯山下數畝地

紹興府志

卷之四十四

人物志四

五

爲宅草屋數間棄官居之送資數百萬悉無所取年七十五卒諡曰貞愉三子閭汪安國閭嗣爵位建安太守汪字德澤好學有志行武帝時位至侍中時茹千秋以佞媚見倖於會稽王道子汪屢言於帝帝不納遂求出爲都督交廣二州軍事廣州刺史政績甚著爲嶺表所稱安國字安國與汪少勵孤貧之操以儒素顯孝武帝時仕歷侍中太常再爲會稽內史領軍將軍及帝崩安國服衰絰涕泗竟日安帝隆安中詔曰安國貞慎清正出內播譽可以本官領東海王師後歷尚書左右僕射

晉書

孔坦字君平祖冲丹陽太守父侃大司農坦少方直有雅望元帝爲晉王以坦爲世子文學東宮建補太子舍人遷尚書郎朝廷疑萬然將加大辟坦獨不署遂拜官歸王敦反與右衛將軍虞潭俱在會稽起義討沈亮咸和初遷尚書左丞蘇峻反坦自王導曰及峻未至宜急斷阜陵之界守江西當利諸口彼少我衆一戰決矣若峻未至可往逼其城導然之廣亮不從峻遂陷臺城挾天子幸石頭坦奔陶侃引爲長史論賊勢皆如所籌峻平遷典興內史封晉陵男歲饑運家米以賑窮乏尋拜侍中時成帝每幸王導府拜導妻曹氏有同家人坦每切諫及帝加元服猶委政導坦每從容勸帝宣博納朝臣輒語導坦由是忤導出爲廷尉悒悒不悅以疾去職加散騎常侍疾篤庾冰省之爲流涕坦慨然曰大丈夫將終不問安國與家之術乃作兒女子相問耶冰深謝焉卒年五十一贈光祿勳諡曰簡子混嗣晉書

孔奕倫之族父也爲全椒令明察過人時有遺其酒者始提入門奕趨呵之曰人餉我兩甕酒其一何故非也檢視一甕果是水或問奕何以知之奕曰酒重水輕提酒者手有輕重之異故耳在官有惠化及卒市人若喪慈親焉晉書

孔慶彭祖奕之孫也少仕州郡歷司徒掾尚書殿中郎時朝廷崇樹殷浩以抗擬桓溫溫深不平浩又引接荒人謀立功于外嚴言于浩曰當今時事艱難處任者所至不同所見各異頃來天時人情良可寒心願深思廉萌屈伸之道平勃相和之義又觀頃日降附之徒貪而無親難以義威浩深納之隆和元年詔依鴻祀之制于太極前庭親祀嚴諫而止以侯領尚書多所匡益拜典興太守善于宰牧甚得人和又甄賞才能之士論者美焉三子道民宣城內史靜民散騎侍郎福民太子洗馬

孔羣字敬林倫之從弟有智局志尚不羈蘇峻入石頭時巨術有寵於峻賓從甚盛羣與從兄倫同行於橫塘遇之倫止與語而羣初不視術術怒欲刃之倫下車營救獲免峻平王導保存術嘗因衆坐令術勸羣酒以釋憤羣之憾羣答曰羣非孔子厄同匡人雖陽和布氣騰化爲鳩至於識者猶憎其目導有愧色仕歷中丞嗣子沈晉書

丁潭字世康山陰人祖固吳司徒父彌梁州刺史元帝時爲尚書祠部郎時瑯琊王袁始受封帝欲引朝賢爲其國上卿卽以潭爲郎中令袁薨潭上書求行終喪轉中

書郎出爲廣武將軍東陽太守以清潔見稱成帝時爲散騎常侍侍中蘇峻作亂帝蒙塵於石頭惟潭及鍾雅劉超等隨從不離帝側峻誅賜爵永安伯累遷左光祿祭酒康帝卽位屢表乞骸骨詔以光祿大夫還第年八十卒諡曰簡子語散騎侍郎晉書

虞駿字思行潭之兄子也機幹不及潭而素行過之王導

謂駿曰孔愉有公才而無公望丁潭有公望而無公才兼之者其在卿乎官吏部郎吳興太守金紫光祿大夫

未達而喪時人惜之子谷吳國內史晉書

謝奉字宏道山陰人祖端散騎常侍父鳳丞相王簿奉歷

紹興府志 卷之四十四 人物志四 謝奉

安南將軍廣州刺史吏部尚書後免官還東遇謝安破

岡停三日其語安欲慰其失官奉輒引以他端雖信宿

中途竟不言及安深恨在心未盡謂同舟曰謝奉故是

奇士弟聘字宏遠歷侍中廷尉卿簡文嘗曰謝安南清

令不如其弟學義不及孔嚴居然自勝嘉泰

謝元字幼度上虞人少穎悟與從兄朗俱爲叔父安所器

重及長有經國才略時苻堅盛數犯邊境朝廷求文

武良將安以元應舉郊超素與元不善聞而嘆曰元必

不負所舉吾嘗見其使才雖履屐間亦得其任于是徵

拜建武將軍監江北諸軍事苻堅入寇衆號百萬詔以

元爲前鋒都督諸軍事與叔父安從弟琰中郎將桓伊等拒之衆凡八萬堅進屯壽陽列陣淝水元使謂苻

融曰君遠涉吾境而臨水爲陣使不得渡是不欲速戰

爾諸君和却令將士得周旋僕與諸君緩轡而觀之不

亦樂乎堅衆皆曰宜阻淝水莫令得上我衆彼寡勢必

萬全堅曰但却軍令得過而我以鐵騎數十萬向水逼

而殺之融亦以爲然麾使却陣衆因亂不能止於是元

與琰伊等以精銳八千涉淝水決戰堅中流矢臨陣斬

融堅衆崩潰自相蹈藉投水死者不可勝計淝水爲之

不流詔進號前將軍假節封康樂縣公元請以先封東

紹興府志 卷之四十四 人物志四 謝安

鄉賜兄子琰詔更封玩豫亭伯會稽還張願叛河北騷

動元自以處分失所上疏送節盡求解所職又以疾辭

詔遣醫令自消息前後表疏十餘皆不報久之乃轉授

散騎常侍左將軍會稽內史時吳興太守張元之亦以

才學顯與元同年之郡而名亞於元時人稱爲南北二

元元既興疾之郡卒葬始寧諡獻武子琰嗣琰早卒子

靈運晉書

謝石字石奴安之弟也初拜秘書郎累遷尚書僕射征句

難以勲封興平縣伯淮淝之役詔石爲大都督與兄子

元琰破苻堅遷中軍將軍尚書令進封南康郡公上疏

請與後學州郡普修學校卒贈司空謚曰襄簡

王徽之字子猷山陰人徽之第三子性卓犖不羈為桓溫參軍又為桓冲騎兵參軍嘗夜雪初霽月色清明四望浩然獨酌酒詠左思招隱詩忽憶戴逵逵時在剡便夜乘小舟詣之經宿方至造門不前而反人問其故徽之曰本乘興而行興盡而返何必見安道耶嘗寄居空宅中便令種竹或問其故徽之但嘯咏指竹曰何可一日無此君耶後為黃門侍郎棄官東歸與徽之俱病篤術人曰人命應終而有生人樂代者則可生徽之謂曰吾才位不如弟請以餘年代之術者曰君與弟算俱盡何

紹興府志 卷之四十四 人物志四

靈

代也及徽之卒徽之奔喪不哭直上靈牀坐取徽之琴彈之久而不調嘆曰嗚呼子敬人琴俱亡因頓絕月餘亦卒子楨之字公幹歷大司馬長史桓元為太尉朝臣畢集問楨之我何如君亡叔在座咸為氣咽楨之曰亡叔一時之標公是千載之英一坐皆悅

晉書 謝安傳

王獻之字子敬少有盛名高邁不羈嘗與兄徽之操之俱詣謝安二兄多言俗事獻之寒溫而已既出客問王氏兄弟優劣安曰小者佳客問其故安曰吉人之辭寡風流為一時之冠工草隸善丹青謝安請為長史太元中起太極殿安欲使獻之題榜而難言之試謂曰魏時凌

雲殿榜未題而匠者誤釘之不可下乃使韋仲將懸燈

書之比訖髮鬢盡白裁餘氣息還語子弟宜絕此法獻之揣知其指正色曰仲將魏之大臣寧有此事使其若此有以知魏德之不長安遂不之過嘗從山陰道上行語人曰山川自相映發使人應接不暇若秋冬之際尤難為懷仕至中書令卒諡曰憲

晉書 謝安傳

許榮會稽人仕至左衛將軍時朝政既紊武帝不親萬幾但與會稽王道子酣歌親暱僧尼榮上疏諫又陳太子宜出臨東官克獎德業疏奏帝雖不省然自是漸不平於道子矣

晉書

紹興府志 卷之四十四 人物志四

鄉賢一

美

王鎮之字伯重晉司州刺史胡之從孫而裕之從祖弟也為剡上虞令以母老求補安成太守母憂去職在官清潔妻子無以自反乃棄官致喪還上虞舊墓葬畢為子標之求安復令隨子之官服闋為征西司馬南平太守後為御史中丞執政不撓百僚憚之出為建威將軍平越中郎將廣州刺史加都督宋武帝謂人曰鎮之少者清積必將繼美吳隱嶺南弊俗非此不康在鎮不受俸祿蕭然無營去官之日不異初至武帝初建相國府為諮議參軍領錄事善子吏職嚴而不殘還宋臺祠

部尚書武帝踐阼卒於宣訓衛尉弟宏之前史宏之見恩遠

孫處字季高永興人以字行少任氣武帝征孫恩季高集

從及平建鄴封新番縣侯盧循之亂武帝謂季高曰此

賊行破非君不能破其窟穴即遣季高汎海襲番禺拔

之循父般長史孫建之等輕舟奔始興即分遣沈田子

等討平崇表諸郡循還襲廣州季高破走之義熙七年

卒追贈南海太守封侯官縣侯九年武帝表贈交州刺

史南史宋書子宗世卒子欽公嗣欽公卒子彥祖嗣

阮萬齡祖思職左光祿大夫父寧黃門侍郎萬齡少知名

為孟景建成長史時袁豹江夷相系為景司馬時人謂

紹興府志卷之十四人物志四

景府有三素望萬齡家在會稽刺縣頗有素情位左戶

尚書太常出為湖州刺史復為散騎常侍金紫光祿大

夫卒南

王悅之字少明晉右將軍義之曾孫也祖獻之中書令父

靖之司徒左長史少勵清操亮直有風檢為吏部郎都

省有會同者遣悅之餅一甌辭不受曰此費誠小然少

來不願當之宋明帝泰始中為黃門郎御史中丞上以

其廉介賜良田五頃以為侍中在門下盡其心力掌檢

校御府太官太醫諸署按覆無所避卒官南

孔靖字季恭山陰人祖愉晉車騎將軍父門散騎常侍始

察孝廉宋武帝征孫恩過靖宅靖方晝臥有神人謂曰

起天子在門靖遽出適見帝延入禮接甚厚義熙初以

靖為會稽內史遷吳興太守先是吳興頗喪太守相傳

項羽神為下山王居郡聽事二千石至常避之靖居聽

事竟無害八年復為會稽內史宋武帝北伐以靖為太

尉軍諮祭酒從平關洛宋臺初建拜侍中辭事東歸帝

親餞之戲馬臺百僚賦詩及受命加開府儀同三司讓

不受薨以為贈子里靈符南史里歷佐侍中會稽太守元

嘉二十七年卒官

里靈符靖之子元嘉末為司空長史南郡太守尚書吏部

軍府志卷之十四人物志四

郎大明初自侍中為輔國將軍郢州刺史入為丹陽尹

山陰縣土境褊狹民多田少靈符表徙無資之家於餘

姚鄞鄞三縣界舉起湖田上使公卿博議江夏王義恭

議曰山陰豪族頃畝不少貧者肆力非為無處耕起空

荒無救災歟又緣湖民居魚鴨為業及有居肆理無樂

徙湖東王繹等議曰窮身寒室必應徙居葺宇疏阜產

粒無恃宜募亡叛及樂田者共往經創須粗修立然後

徙居沈懷文等議曰百姓雖不親農不無資生之路且

鄞等三縣去治並遠新垣未立舊居已毀去留兩困無

以自資宜徙其所樂開宕道亡且令就業若舊成缺壤

為尚書比部郎

宋書 南史 靈符弟 靈通 靈運 子 瑒 之

孔琳之字彥琳山陰人曾祖羣晉御史中丞祖沈丞相掾父厥光祿大夫琳之強正有志力少好文義解音律能彈基妙善草隸桓元為太尉以為西閭祭酒元欲廢錢用穀帛又議復肉刑琳之兩獻議以為不可元好人附悅而琳之不能順旨以是不見知果遷尚書左丞揚州中從事史所居建議議諸眾官積用一印無煩改作遷吏部郎義熙十一年除平北征西長史遷侍中宋國初建為宋侍中永初二年為御史中丞明憲直法無所屈撓劾奏尚書令徐羨之鷹犬典憲時羨之領揚州刺

史琳之弟璆之為其從事以美之意語琳之求釋琳之不許曰我觸忤宰相政當罪止一身汝必不應從坐何須勸耶自是百僚震肅莫敢犯禁武帝甚嘉之行經蘭臺親臨幸焉遇祠部尚書不事產業家尤貧素景平元年卒贈太常子邈有父風官至揚州中從事邈子觀南謝方明上虞人祖鐵字鐵石位永嘉太守中字秀度中書郎家在會稽病歸為孫恩所殺贈散騎常侍方明隨伯父吳興太守邈在郡賊至邈亦被害方明逃免邈舅子馮嗣之及北方學士馮翊等與恩通謀方明素羸弱而勇決過人結邈門生討嗣之等悉禽手刃之頃之孫恩重陷會稽謝琰見害因購方明甚急方明于上虞載母妹奔東陽由黃蘗嶠出郡陽還都寄居國學流離險厄苦備經而貞履之操在約無改下範之勢傾朝野欲以女嫁方明方明終不同為宋武中軍主簿知無不為方明嚴恪善自居過雖暗室未嘗有惰容轉從事中郎中軍長史尋加晉陵太守驃騎長史南郡相嘗年終江陵縣獄囚悉放歸家使過正三日還到竟無逃者宋武帝受命位侍中丹陽尹有能名轉會稽太守東土稱詠之卒官子惠連南史 詳名宦虞愿字士恭餘姚人祖資給事中監利侯父望之早卒宋